

籌辦夷務始末

籌辦夷務始末卷之五十六

同治六年丁卯十二月丙戌山東道監察御史薛斯來奏
竊臣聞謀貴先於未事。患貴弭於無形。自咸豐十年與外
國設立和約以來。經王大臣等維持調護。剛柔並濟。百計
羈縻。數年來尚稱安謐。然夷情叵測異常。明年適更換和
約之期。當必有借端嘗試者。臣恐要我以必不可行之事。
予我以必不可受之端。欲允其請。則窒礙難行。不遂其心。
則易滋他患。兼之本年捻逆蹂躪山東。梟匪肆擾畿輔。外
國覬伺已久。欺我無備。更肆誅求。臣愚以為欲求無患。先
期有備。擬請於近京一帶地方。設立重鎮。

宣召一素有威望之知兵大臣。統帶勁旅。慎選良將。於附近

京師處所。扼要駐紮。並直省新練六軍。兼歸統轄。認真操練。如此則顯可以防制梟匪。陰可以震懾外國。內可以保衛京師。外可以捍禦天津各海口。一旦有警。既足以備非常。而外夷目覩情形。亦且懾其心而奪之氣。其欺肆之誦。有潛消於不覺者。似裨益非淺鮮也。

壬辰。署伊犁將軍榮全奏。索倫部落領隊大臣霍伽布。副總管博清阿等。來至科米。面見。聲稱前章京薩碧屯等。由阿勒瑪圖旋回。面告滿漢兵丁以及民人等。均由阿勒瑪圖起行。不日卽至喀帕兒等處。惟該處烏庫吉爾泰官。

言說隆冬將近。水涸草乾。不日我們庫必那圖爾來此。方能定奪等語。喀帕兒等處俄官。亦有此意。領隊面見該克訥斯等。言我們起行索倫等眾。原係慣冒風雪。不畏寒涼。該俄官回稱。官兵尚可履雪前進。老弱小兒。儻有凍斃者。我等心甚不忍。一俟春融後。晝長和暖。牲畜人眾。庶不致別有他虞。亦不負我國管照二年之美意。旁聽聞之下。心甚焦急。事已至此。莫可如何。俄人詭詐百出。外用善言見好。邀買眾心。旁即向該領隊等言說。你等回至哈勒搭拉。務須親往阿勒瑪圖。面見庫必那圖爾。議准明春起程之期。趕緊呈報。今歲哈勒搭拉豐收。庫庫烏蘇等處所收之

糧尚可餉口。阿勒瑪圖顆粒未成。今被俄人阻滯。度冬起行之糧。必得趁此糧價不昂之時。陸續密行接辦。明春起行。必誤耕期。口外種麥。必在芒種之前。遲則不能成熟。帳目一切。均與俄人算清。不日掃數清還。密諭該兵丁等。不可受俄人愚弄。亦不可懼其威脅。本署將軍駐居斜米。亦屬無益。趕往烏垣等處。與該將軍參贊等而議。查勘可種之地。令其按時耕種。爾等到時。自行經理收割。補種秋糧。如此周轉辦理。方不致有枵腹之虞。努才已與庫必那圖爾備細行文。懇我

皇上飭下總理各國事務衙門。面告俄國公使。明歲春融後。必須

按照議定之言。再不可別有支吾。前運往喀怕兒軍餉二萬六千兩。二萬兩分散索倫營起行之需。五千兩與蒙古等添補起行之項。外加一千兩。接續滿漢綠營民人婦女小兒等之用。茲俄夷刁難阻滯。一時不能起程。此項不可動用。備明春要需。今歲度冬。另撥銀三千兩。密買糧石。搏節動用。至領隊大臣霍伽布。請借俸銀一百五十兩。總管借俸銀四十兩。副總管三十兩。佐領每員二十兩。防禦每員十五兩。驍騎校每員十兩。補足馬匹衣物等件。芽伏思該領隊各官等。避至夷境以來。二年之久。現收攬人眾。七八站以及數十站不等。絡繹稽查安撫。明春起程。在在需

用馬力。又值隆冬嚴寒。爬山越嶺。必得禦寒之衣。卽照所請發給。又派滿營佐領鄂勒墜圖。隨同該領隊等辦理起行事件。並照管喀帕兒軍餉。旁查辦一切。並領隊霍伽布等往返需用。遇俄人臺站車價。費用銀若干兩。俟至諸事完竣。再行彙總造冊。詳細造報。

御批該衙門知道。

榮全又奏。旁初抵斜米。俄官來咨。內稱棍噶札勒參殺戮拜精格特哈薩克。當卽差員前往偵探。又差員弁前往阿勒瑪圖等處收攬人眾。九十月間。前派各員先後旋回。據佐領鄂勒墜圖面稟。至棍噶札勒參行營。據該刺嘛回稱。

原帶兵欲往塔垣等處迎候索倫等眾。行至察罕鄂博。往烏蘭布拉卡倫。突有拜精格特哈薩克賊眾糾聚千餘之多。直撲我隊。刃槍牲畜。戕害人命。經我兵一半護牲。一半對敵。哈薩克等紛紛逃敗。次日由烏蘭布拉行抵特穆爾綽爾霍地方。該哈薩克約有五六百名相撲。官兵奮勇衝擊數時。逆眾逃散。奪獲孳牲廠烙有官印馬數十餘匹。槍回哈薩克擄去巴爾魯克人口數十名。拏獲哈薩克數名。訊供係前隨逆回之拜精格特人眾。問明後卽行正法。奪獲哈薩克牲畜六萬有餘等語。今該喇嘛已退居察罕鄂博。霍博克賽里等處駐紮。十月初四日。前派章京薩碧屯。

等旋回斜米。言稱行至哈勒塔拉。會見索倫等。取食稱我等原係有罪之人。

皇上如此天恩。不惜重資。清還我等食用。俄國帳目。差派將軍萬里跋涉。收攬我等。似此

高厚鴻慈。粉身碎骨。亦不能報答。

天恩於萬一。我等所種之糧。均皆成熟。日夜割收打曬。以備前進。該章京路經庫庫烏蘇。該處住居索倫等。所言一切。與哈勒塔拉等取所言無異。阿勒瑪圖。圖胡魯庫庫烏蘇。哈勒塔拉。喀帕兒等處。現住索倫不下四千名。赤貧者多。僅今秋起行。添買牲畜。黏補衣履。通盤覈計。尚得銀兩萬。阿勒

瑪圖所住蒙古大半皆有牲畜。需銀五千兩。略為黏補。尚可前進。阿勒瑪圖住索倫四百餘名。赤貧尤甚。所種田苗。顆粒未收。該章京等買牛五十餘隻。口糧五千餘斤。並寒衣等物付給。以備起行。奈俄官言說。天道漸寒。缺乏柴草。不日斜米庫必那圖爾來此。始能定奪。索倫等婦女小兒環跪與俄官等言說。我等不畏寒涼。情願速回我處。該俄官聲言。我職微小。不敢擅定。庫必那圖爾至此。你等再行哀求。阿勒瑪圖有避來滿兵十一名。綠營兵民人等四十餘名。皆願出離俄境。隨卽散放俄票。令其齊聚喀帕兒。隨同索倫前進。蒙古副總管巴圖鄂奇勒等稱我等一萬餘

眾分散居住。一時收攬不齊。俟明年春融後。再行定奪。觀其詞色。心在兩歧。未便強令那移。該章京等至斜米面告_努一切聽聞之下。不勝焦急。俄人素性詭詐。今我之索倫等眾。甘心奔往我境。俄人種種刁難。實出意外。_努隨卽與克訥斯庫必那圖爾。兩處行文。與其折辯。查前_努面見俄官。庫必那圖爾總以天寒枝梧。後稱查驗明確可行之時。卽令起行。你們願回之人。我等不敢阻滯。願住我國者。將軍亦不可逼迫起行。_努回稱我們願行之人。你們亦不可威脅迫住。兩相平允。方不失多年和好之誼。至棍噶扎勒參與逆眾接仗一事。該哈薩克賊眾。原係從逆害我官兵。

攻陷城池之賊。以兩國和誼而論。均堪痛恨。如此反復無
常之徒。久居貴境。大抵無益。諾海安集延等丢失牲畜一
事。亦不可聽其一面之詞。伊等原與哈薩克同教。犬羊成
性。儻一時受其愚弄。必致貽誤兩處大局。尚望詳加酌覈。
我亦細細諮訪查詢。一俟查詢明確。再行商辦。才與俄人
清算帳目。大概覈計。不過一萬五千兩之多。不日即可清
還。以斷葛藤。

御批該衙門知道。

甲午。綏遠城將軍裕瑞。歸化城副都統桂成奏竊。才等前
因歸化城商民。請由俄邊假道通商。當經據情奏奉

諭旨。交該衙門議奏。欽此。嗣總理各國事務衙門覆奏。奉

旨依議。欽此。欽遵。各行前來。等因。遵卽飭知該商民等詳細聲覆。

茲據商民程化鵬等呈稱。前呈內聲明朱蘭茶一名千兩
茶。實係安徽建德所產。所經之路。由歸化城走喀爾喀部
落。卽至庫倫。由庫卽至恰克圖。由恰克圖出向俄邊。卽由
俄賣與西洋諸商。此項千兩朱蘭茶。惟西洋人日所必需。
非俄人之所用。伊亦不買。至俄人與商民交易。向有定章。
除天津一處外。他處何敢私相交售。況自同治元年。俄人
來至歸化賣貨。商民等均未敢與交易。卽將其貨物如數
運回。此後間有來者。僅為傳教。並無運貨。今已仰蒙格外

施仁○別開生路○商民等由此俯仰有資○又豈敢與俄人在
蒙古無稅之地○私相暗售○自取罪戾○如有查出○不但將貨
物入官○重治其罪○卽將出保之人○一併治罪○亦甘承受○至
情願加出釐金一節○實因商民之貨○有由西疆返回者○有
在歸化寄存者○迄今數年○一日不能銷售○卽有一日之賠
累○如蒙恩准通商○不惟商民從此得獲重利○身家可養○較
之有用之貨○置之無用之地○而商民日見賠累○何啻天壤○
此蒙覆詢○不敢不據實呈明等情○奏等詳細訪查○歸化商
民○向往西疆販運茶斤○均係殷實守分之民○如果准令改
道通商○似於

國課可裕。民生可便。儻日久壅滯不通。俄人前已來過歸化。若有無知奸民勾串。私相交易。必與

國課民生兩無裨益。且此項千兩朱蘭茶。專有茶商由建德販至河南十家店。由十家店發至山西祁縣忻州。由忻州而至歸化。轉販與向走西疆之商。運至烏魯木齊塔爾巴哈台等處售賣。今既准其出恰克圖口銷售。所有蒙古地方並無村鎮。且非蒙古所需。又復明定章程。不准零星售賣。卽與夷人私相暗售。如有違者。將貨物全行入官。商民從重治罪。自應嚴行示諭。商民等遵照奉行。並經等隨時詳查。有犯必懲。以期稍裕。

國課。

御批該衙門知道。

辛丑陝甘總督左宗棠奏。本年各省協餉。其經借洋款。省分源源接濟。實深賴之。惟陝甘需用殷繁。此後若仍俟各省按月解濟。則隨到隨盡。必無應手巨款。堪以斟酌緩急。隨時妥辦。擬援本年三月間奏借洋款成案。再由江蘇。浙江。福建。湖北。廣東。各海關監督。出給印票。由各督撫臣加蓋關防。交道員胡光墉。籌借洋商銀二百萬兩。會同江蘇。蘇松太道應寶時。與洋商交割。由江甯。浙江。福建。湖北。廣東。各藩司。於同治七年三月至十一月連閏十箇月。應協

甘餉項下按月撥解各海關發還洋商清款一切查照上
屆成案辦理。惟胡光墉上屆籌借洋款極費經營。比以上
海稅務司不肯畫押。幾被阻撓。總稅務司赫德到後。曾言
借餉於眾商。外國常有之事。並不須多費息銀等語。可否
飭下總理各國事務衙門轉飭赫德會辦此事。督飭上海稅務司
畫押以期速成。而息銀亦冀可稍省。

諭軍機大臣等。左宗棠奏餉項需用緊急。請援案借用洋商銀兩。
本年三月間。左宗棠奏借洋款。藉資接濟。深有裨益。自可援案
辦理。所有續擬借用洋商銀二百萬兩。除已諭總理各國事務
衙門辦理外。著曾國瀚。瑞麟。吳桂。馬新貽。郭柏蔭。李瀚章。于日

昌李福奏。下寶第。何璟傳諭各關監督。按單各出印票。由各該督撫加蓋關防。發交道員胡光墉迅速籌辦。會同應寶時與洋商交割。分批起解。

署直隸總督官文奏。竊。前督臣劉長佑密交軍機大臣字寄。同治六年九月十五日奉。

上諭。總理各國事務衙門奏。據籌修約事宜等因。欽此。並總理衙門條說。密函寄到。前督臣劉長佑未及議奏。卽却事移交前來。正在籌議間。復奉。

上諭。飭催。查外洋諸國僻處海隅。自議款以來。上海等處要津悉被盤踞。各國使臣久住京師。遂為腹心之患。在當日事

機倉猝。值無可如何之時。為萬不得已之舉。然欲補救。挽回於今日。將欲曲突徙薪。又慮投瓦忌器。茲屆十年修約之期。總理衙門熟察洋情。逆料必有不情之請。豫擬條約。博訪周諮。以為思慮豫防之計。幸受

恩深重。目擊時艱。何敢意存諉卸。謹就原擬各條。悉心籌議。揆度事情。權衡時勢。直抒管窺之見。以備芻蕘之採。惟洋務事件。關係甚重。誠如原奏所云。非洞察情形。不能得其要領。況各國詭謀譎計。防不勝防。焉知所慮者。不又出所備之外。尤賴總理衙門諸臣。隨時隨事。相度機宜。謀出萬全。折衷一是。以期維持大局。上抒

宸座。

御批該衙門知道。單併發。

官文條議

一議精

覲

奴才

查覲者。諸侯見天子之禮。所以致禮正刑一德。以尊於天子。

也。曲禮曰。天子當扆而立。諸侯北面而見天子曰覲。誠以

古者諸侯分茅胙土。各君其國。以時來見天子而述其職。

所以明君臣之義也。今各國乃以阻其入。

覲。謂不以客禮相待。不知覲乃臣禮。非客禮也。既以客自居。而反

欲行中國之臣禮。將來傳之。

國史。必大書特書某年月日某某各國來覲。使天下萬世咸知英法各國為我

聖朝之屬國。是欲尊反卑。求榮反辱。彼特未知覲之義耳。使其顧名思義。曉然於覲乃人臣見君之禮。當亦廢然返矣。如謂並非屬國。不能改從中國儀制。不知覲即中國儀制。未有非屬國而覲。即未有覲而不行跪拜禮者。且未有諸侯不自來而使其臣來覲者。孔子作春秋。諸侯用夷禮則夷之。夷而進於中國則中國之。今夷既未能進於中國。而中國轉自變其禮以委曲相從。豈竊未見其可也。反覆籌思。實無權宜遷就之術。至原議所云權其適中者而用之。其中

機宜。非力所能及也。

一議遣使西洋諸國。務查閱總理衙門原議。以各國至中華通商傳教。有事可辦。中國赴外國。並無應辦事件。無須遣使。中國出使外國。一則遠涉重洋。人多畏阻。水陸跋涉。費尤不貲。一則語言文字。不能通曉。倚恃繙譯。諸多窒礙。且才堪專對者。亦難其選。若不得人而往。轉恐貽羞域外。誤我事機。所慮極為周密。且係實在情形。無須再議。若謂兵家知己知彼。彼於我之虛實。無不洞悉。我於彼之情偽。一概不知。萬不得已。如上年斌椿。本年志剛等。赴泰西諸國游歷。訪其風俗人情。察其山川險要。不必與其國主相

見一如各國之來中國。諸隨所便。既無須供億之繁。亦不至有辱命之慮。偶一為之。不必著為定例。未始非一時權宜之計。至謂遇有該國使臣倔强。不能向其本國一加詰責。竊以為即使遣使。遇該國使臣倔强。未必遂能向其本國加以詰責。亦不能必彼之不復倔强。此則非遣使所能制也。

一議銅綫鐵路。查銅綫鐵路。不過為往來迅速。便於貿易。無論奇技淫巧。非我國所尚。即彼自以為甚便。不知其有大不便者在也。總理衙門先以失我險阻。害我田廬。礙我風水等辭駁辯。此猶僅

就我

國之不便者言之。彼既悍然不顧。又以占我民間生計。勢必羣起相抗。設或勉強造成。被民拆毀。官不能治其罪。亦不能責令賠償。此亦僅就銅綫鐵路之成毀言之。彼則以自能派人看守為辭。彼誠自恃其強悍。謂中國之民無如彼何。是祇知其一不知其二也。夫兩利相形取其重。兩害相形擇其輕。中國民情。大率見異則驚。以素不經見之事。卽我

國驟然舉行。猶恐不洽輿情。各國之人。與中國百姓。本非同類。以不同類之人。日與往來交易。必兩情浹洽。均無猜忌。

方能日久相安。驟為此不經之舉。人必因疑生畏。生怒。羣起攘臂相爭。不毀不止。卽幸而不毀。民情旣已隔閡。彼挾重貨來此貿易。又烏能通行無礙。且因銅綫鐵路之故。壞人室廬。毀人墳墓。侵占人田畝。使民痛心疾首。欲得而甘心。彼又奚利焉。況欲為銅綫鐵路。勢必興大工。動大役。需費浩繁。以數年間貿易所得。半耗費於銅綫鐵路。民旣不悅。則銅綫鐵路不行。而貿易亦阻。且不第有妨貿易已也。卽彼之傳教。民亦不復相信。而各處之教堂使館。亦不能高枕無憂矣。縱我

朝懷柔為念。斷不肯遽失和好。而眾怒難犯。民弗能堪。卽不

能相安於無事。其利害固不待智者而決也。

一議內地設行棧。內河駛輪船。才查各國通商口岸。從前約內載有一定地方。原以示限制而弭爭端。今各國遠背前約。又欲於內地設棧。內河駛船。為壟斷網利之計。經總理衙門歷舉華民不便各情。反覆辯駁。而各國則以海上輪船所用華人多於洋人。民閒趨利無患為解。殊不思華人之在洋船者。皆無賴游民。希圖小利。若水陸往來商賈。皆挾重貲。居奇售賣。藉以營生。前次各國於一定口岸設立行棧。並於大海行駛輪船。而民不甚與較者。以未盡利故也。若欲盡奪內地商賈之利。使華民失業。不復聊生。利

之所在。人必爭之。彼華民皆有身家性命。豈能束手待斃。勢必同心協力。為破釜沈舟之舉。聚天下失業之民。合力以與各國相爭。各國之人之在中國者。本不及華民百分之。而分散各處。其勢愈孤。眾寡相形。勝負立見。古語云。眾怒難犯。專欲難成。至於犯眾怒以求利。恐利未得而禍不旋踵。至原議抽釐納稅之說。無論各國堅執不允。即使允從。似亦未便。此端一開。從此紛紛多事。不惟非中國之福。恐亦非各國之福也。

一議販鹽吃煤。考查販鹽吃煤。其事與行棧輪船同為貪利起見。其窒礙難行。亦與行棧輪船等。總之鹽煤為中國

自然之利。斷不肯棄而與人。中國鹽務。設官經理。而私販
梟徒。時出騷擾。法所難宥。中國之於各國。以客禮相待。體
制較優。若不知自重。欲下同梟販。撓亂中國鹽務。不惟有
負前約。且使中外傳聞。以為各國之在中國。行同梟販。貽
羞海內。外藩諸國。且恥為同列。又何能親顏與中國爭禮
數哉。況華民籍是為業。既失所利。勢將罄其貨財。招致無
賴。設法與各國為難。各國於此。勝之不武。不勝適以取辱。
至中國產煤之區。均係本屬土著豪民。席祖父餘業。出資
雇募開挖。世世相守。倚之為命。一旦被各國攘而奪之。勢
將聚族而謀。奮不顧身。以求復故業。各國遠涉重洋。寄居

內地猶如逆旅。中國與彼有主客相依之義。必時加保護。使各國之人。為挖煤之故。入深山邃谷。置身不測之地。而華民之銜恨尋仇者。日夜環而伺之。以圖報復。設有決裂。關繫匪輕。自來兩國和好。便休戚相關。有所施行。自應公同商酌。以期彼此有益無害。今各國舉事。輒與中國為難。使華民生計日蹙。盜賊蜂起。於各國通商傳教等事。亦有關礙。且彼天主教以奉天為名。若放利而行。不循天理。是自背其教也。自背其教。尚欲以此教人。其誰信之。

一議開拓傳教。查天主一教。與白陽白蓮等教。同干例禁。自各國議款以來。已奉明文。不復禁止。該國之在各省

傳教者到處皆然。本無限制。又何用其開拓。若民之從否。及所傳之多寡。其權則不在官而在民。惟原議條款內。既有循規蹈矩。不得干預公事等語。該教士自應永遠遵守。勿負所約。乃比年以來。各省教民。特為護符。作奸犯科。無所不為。而傳教士一味袒護徇庇。且有從旁扛幫插訟。與地方官為難者。該國公使又復不能約束。不知彼國法令何在。今擬與該國公使申明前約。勿蹈故轍。如該教士遇有教民為非徇庇扛幫者。知照該國公使。即行革退。另行選充。如中國降調斥革之例。其入教華民。本係中國赤子。例應歸地方官管束。儻犯彼教令。聽傳教士處治。犯我法

度。仍由地方官照平民一體按律科治。該傳教士不得妄行干預。至天主教究與釋道不同。釋道由來已久。向不在邪教之列。若天主教亦照僧道設官。其名不雅。誠如總理衙門原議所云。恐天下以引人入天主教為口實。於人心風俗。大有關係。我

聖朝崇儒重道

文教章數。遐邇內外。莫不向化從風。其附天主教者。率皆無賴蚩民。藉圖衣食。未必誠心悅服。稍有身家。粗知禮義者。必不屑為。誠在良有司。平日聯屬紳民。多方化導。或開陳大道。以破其迷。或摘發奸謀。以啟其惑。是不禁之禁。亦補偏救

弊之一道也。

御批覽。

福州將軍兼署閩浙總督英桂。福建巡撫李福泰奏。竊照合眾國羅妹商船。駛至福建臺灣之瑯瑤洋面。遭風擊碎。被生番戕害一案。合眾國住廈領事李讓禮。始則欲坐兵船赴臺住泊。繼則申請將瑯瑤地方收入版圖。設官駐兵。以絕生番戕人之患。當以臺地民情浮動。外國兵艦若駐久住。必致別釀事端。卽所請瑯瑤地方設官駐兵一層。固為一勞永逸之計。然慮臺地勢。俾民番兩無驚擾。方可日久相安。復經吳棠與李福泰。諭令福州口稅務司美

理營。致書勸阻。勿帶兵船。其瑯瑤安設官兵。飭俟此案辦結後。由在事文武商酌周妥。稟覆查辦。嗣李謀禮無可置詞。惟稱伊奉該國使臣劉飭。須赴臺灣將羅妹商船人等分別收屍領回。旋接臺灣鎮總兵劉明燈。道吳大澂署臺灣府知府葉宋元。與曾元福會稟。李謀禮抵臺。劉明燈於八月十三日。先帶所部兵勇五百名。由郡起程。曾元福主文答。與李謀禮繼之。八月十八日。抵枋寮查詢。由枋寮以至瑯瑤。係熟番村社。內有閩粵之人零星分處。箐深林密。礙難下足。劉明燈選派員弁。督率民夫伐山開徑。二十六日抵瑯瑤。據李謀禮面稱。訪知羅妹商船洋人。盡被生番

殺害屍身拋棄下海。祇留女洋人頭顱。並照形鏡等件。現已備價一百圓。向其贖回。此外並無尚存未害洋人。探聞龜仔角行兇生番。邀集十七番社飲酒。意在抗拒我軍。不與熟番人等往來貿易。竟無綫路可通。九月初五日。劉明燈等傳集各莊頭人。詳加詢問。僉稱內山地方。共有十八番社。其負嵎恃險。以龜仔角為最。而兇惡殘忍。亦以龜仔角為尤。該生番雖邀十七番社。欲圖結為黨援。實則各社生番。屈於勢力。類多勉強應允。但得番目卓杞篤前往宣諭。即可解散。經王文榮招之來見。卓杞篤即言願往宣諭。各社聯名出結。僅此後該國船隻失事。不敢再行戕害。而

李謀禮亦為該生番乞恩。照請免于拏辦。劉明燈等因龜仔角生番負固圖抗。若不懾以兵威。不足以儆兇頑。與吳大廷往返函商。意見相同。派令王文榮與副將張達春等分赴各番社妥為安撫。於十五日拔隊進紮龜鼻山。直逼該番巢穴。正在定期追擊間。復接李謀禮照會。據稱十三日帶領通事及閩粵頭人親赴火山地方。適遇番目卓杞篤面與議和。嗣後船上設旗為憑。勿論中外商船。遇有遭風到彼。該番妥為救護。送交閩粵頭人傳送地方官配船內渡。如有再被生番殺害。閩粵頭人當立結保幫拏兇番解究。其贖回女洋人頭顱等件。所費銀圓照數歸還。該領

事願為和息。懇請撤兵。免于深究。並親赴劉明燈等營盤面請。情詞懇切。至再至三。劉明燈等察查該處海道生成天險。海船遭風至彼。未有不破。此次羅妹船上洋人被害。係因五十年前龜仔角一社之番。統被洋人登山殺滅。僅存樵者二人。以致世世挾仇。心存報復。並非無故逞兇。由卓杞篤自向李謀禮言之。若再為勒殺。更恐仇怨愈深。從此構結釁端。永無休息。復函商吳大廷等。不得不通融辦理。俯如所請。當取具閩粵熟番頭人保結。並議章程十條。照覆。又將贖價番銀一百圓。由劉明燈先行發還。該領事深為忻悅。劉明燈等回至瑯瑤。待李謀禮內渡後。始行奉

隊旋郡將所取保結同會議章程錄送前來。臣等查此案臺灣在事文武辦理尚能迅速進止亦合機宜。即所議章程均尚妥洽。現在合眾國洋人固深感

朝廷柔遠之懷。而各社生番自王文榮等撫諭以後。更莫不仰戴

皇仁。相率來見。經劉明燈優予犒賞。益加鼓舞歡欣。惟查鳳山縣境由枋寮至瑯瑤柴城一帶。均係熟番村社。並有閩粵莊人雜處其中。其由瑯瑤深入。皆屬生番巢穴。本設土牛之禁。為人跡所罕到者。比自打狗口通商以來。每有洋人私躡其地。生番伺殺無常。恐復有如羅妹商船之事。辦理愈

形棘手。前事可鑒。後患宜防。應作何設官駐兵。以杜邊釁。容臣等督飭省會司道。並臺灣鎮道。通盤籌畫。另行奏明辦理。尚有李讓禮續請在龜鼻山設立礮臺。是否可行。劉明燈親履其地。必深知之。現飭妥議馳覆。並俟覆到酌辦。御批。該衙門知道。

禮部奏准

盛京禮部送到朝鮮國王咨文一件。臣等公同閱看。因本年二月據總理各國事務衙門具奏。查閱新聞紙所載各條。由臣部咨照朝鮮國王訪查明確。茲據該國王查覆。並鈔錄日本國平義達回書一件。咨覆轉奏。謹鈔錄該國王原

客及日本回書恭呈

御覽○軍機大臣面奉

諭旨○該衙門知道○

朝鮮咨文

朝鮮國王為陳咨事○同治六年三月初七日○承准禮部咨○
備悉新聞紙所載各洋及日本情形五條○其說之虛妄難
憑○已有咨覆仰辨○而所謂日本現有火輪軍艦八十餘艘○
有興師往討朝鮮之志云者○其事極為可訝○其書亦無足
信○使小邦禮曹參判李沆應○馳書委探於日本○今見對馬
州太守拾遺平義達回書○其偽批無根之說○灼然綻破○更

無疑感。茲將平義達回書鈔錄一件。仰備鑒亮。煩乞禮部具由轉達。千萬幸甚。為此合行移咨。請照驗施行。

日本履朝鮮書

朝鮮國禮曹參判大人閣下。日本國對馬州太守拾遺平義達奉覆。達承芳緘。憑審興居清迪。欣慰良深。所示辭意。斯速轉啟。東武其說果是荒誕虛妄。毫無形跡。此等流言。冀冀殆為煩貴朝於我。豈恕然耶。抑我大君殿下丕撫區域。舊弊斯除。百度一新。文武庶員。贊成謀議。夙夜唯以張皇國威為事。目今急購戰艦器械於海外。給我富國強兵之資者。往往皆然。安知非流言之所以由來哉。本邦之於

貴國世敦鄰好。共揆綏寧者。是臺慮所以聽聽於今日也。至暴虎不法之執言。不足信也。彰彰矣。及聞法國戰鬪之事。鄰誼相孚。唇齒相依。豈可泛視於其間耶。用示恤念。無措。欲使貴國永燭後來之憂虞也。故這回特命使節。遠至京畿。開陳宇內形勢。則在貴國亦當斟酌時務。處置適當者。此東武盛意所存也。使節既戒行李。超溟在近。東武敦篤意實。總在陳述。則如彼偏妄無根之說。渙然冰解。兩國交際。永歸不渝。嚴命之下如此。不佞在職。實可感戰。餘冀崇亮。

癸卯總理各國事務恭親王等奏前次奉

派出使外洋各員。蒲安臣先行赴滬等候。茲志剛孫家毅二員。於本月初十日跪聆。

聖訓後。即於十一日起程。柏卓安於十四日起程。在涿州一帶會齊南發。所有奏准。

頒給國書。初八日由軍機處交出。當由臣等發交志剛等恭齎前往。其應給木質關防。亦經督飭刊刻。交志剛等祇領開用。至應給蒲安臣一顆。亦由志剛等齎赴上海。面交蒲安臣祇領。以為將來行文。臣衙門憑信。並面諭志剛等到各國後。遇有應辦事件。務即會同蒲安臣商由輪船飛寄。臣等酌定准駁遵辦。以免貽誤。至所需經費。前據郭柏蔭論及。

應由各口指撥。丁寶楨亦稱由海關籌備。英桂則稱舟車
寓館之費。均不能惜。各等因。臣等查此件事屬艱舉。郭柏
蔭等所擬經費由海關提用。原屬可行。但試辦之初。諸無
一定。難以覈數分撥。查輪船變價項下。尚有餘存。前經臣
等指交總稅務司赫德採買洋米。迄今尚未用訖。擬請卽
在此存項內撥給出使經費。將來察看情形。如洋米可無
需買。卽行停止。儻仍需採買。再由臣等劉知赫德照辦。現
在製備行裝等項。先行墊發銀兩。應歸入臣衙門年終奏
銷。列入清單。咨交戶部覈銷。

御批○依議○

恭親王等又奏。竊查粵省設立同文館。原期通澈中外事
理。以備緩急之用。於同治三年七月。按照該省奏定章程。
議定該同文館學生。如三年學成後。駐防滿漢旗人。應准
作為繙譯生員。准其繙譯鄉試。並文鄉試。漢人世家子弟。
准作為監生。一體鄉試。並均准充繙譯官。如有精通西語
西文。才識出眾者。調京考試。授以官職在案。茲於同治六
年十一月十二日。准署廣州將軍慶春等。將該省同文館
學生慕錫勇。那三。博多洪武。韓常泰。左東隆。坤揚等六名。
咨送到臣衙門。臣等當飭在新立天文算學館中居住。逐
日細加考察。並先試以漢文繙作洋文。繼令將洋文照會

擇成漢文。嗣又以算法各條。令其逐條登答。該學生等文理俱各明順。登答均無舛錯。惟該省尚未照章給予繙譯生員監生。且等公同商酌。該學生等學習有年。均堪造就。應請照上年奏定章程。蔡錫勇一名。作為監生。那三。博多。洪武。韓常泰。左東隆。坤揚等五名。作為繙譯生員。均准一體鄉試。仍照原議。分別派充將軍督撫各衙門繙譯官。

御批依議。

恭親王等又奏。再查該省原奏設立學館章程。內稱肄業生以三年為期。能將西洋語言文字繙譯成書者。分別派充將軍督撫監督各衙門繙譯官。准其一體鄉試。其由繙

譯官出身者。以府經歷丞為升階。旗員願就武職者。以防禦為升階等因。臣衙門當以該將軍於調京考試。未經議及。即經議奏。請以該省學生。如三年學成。駐防滿漢旗人。應准作為繙譯生員。漢人准作為監生。一體鄉試。並准充繙譯官。如有精通西語西文。才識出眾者。調京考試。授以官職。奉

旨依議。欽此。今該省咨送蔡錫勇等六名到京。臣等連日考試。均堪造就。現請給予生員監生。一體鄉試。並准充繙譯官。飭回廣東。仍由該省隨時考察。以府經歷丞防禦各升階補用。至此內如實有精通西語西文。才識優長者。擇尤保送。

以憑調京考試請

旨優予獎勵。不次錄用。無須拘定原奏府經縣丞等項升階。此次係因該省尚未照章給與生監。是以由臣衙門查案奏請照給。係屬變通辦理。嗣後仍應遵照奏定章程。各該省於該學生等三年學成後。即行奏明分別給與生監。並准充繙譯官。如能得加再行遵照原奏。由繙譯官出身者。以府經縣丞防禦為升階。此內如有精通西語西文才識出眾者。即遵照同治二年二月

諭旨。調京另行考試。授以官職。以符原案而示優獎。

御批。依議。

乙巳

盛京將軍都興阿等奏。前准山東巡撫咨。據擒獲賊目李明
山供稱。賊中有洋匪二名。勾結洋人百餘名等因。正在會
辦。聞據金州協領海防同知詳報。洋人二名。一名賈米。一
名羅依。由山東煙臺至此。前赴營口賣貨。並無領事地方
各官印照。恐其滋事。會派兵役。護送營口海關兵備道署。
轉交外國領事查收。照約辦理等情。等當因洋人賈米
羅依二名。形跡詭密。一面會飭兵備道。照會外國領事官。
認真查究。一面奏奉

諭旨。拏獲無照洋人二名。卽著飭令該道會同外國領事官妥為

辦理。仍著督飭官兵嚴密盤查。毋任奸匪潛跡。欽此。當卽欽遵諭旨。會飭海關兵備道欽遵查報。嗣據該道詳稱。函詢馬稅務司。函稱該洋人二名。一係法國人名嘉點薩。到此催取寶波張姓欠款。一係瑞國人名徐勒茲。去歲在此做木匠。均屬鼎領事所管。該洋人係從煙臺搭東船到營。惟到金州時。船受風浪之害。以致進金州口登岸。走旱路到此。據云金州官待伊甚好。深為照拂。伊等頗為感激等情。該洋人姓名歧異。該道報稱各外國言語。各有不同。不過於形蹟之間。辨其是否。嘉點薩徐勒茲二名。卽賈來羅依二名。努等伏查除此並無另有由金州口登岸抵營口之洋人。未便

北泥○致涉猶豫○延○徒滋案牘○除咨劉各處查覈外○謹將
遵

旨查明緣由○據情聲明○

御批○該衙門知道○

丁未總理各國事務恭親王等奏○伏查本年三月間○左宗
棠奏借洋商銀一百二十萬兩○總稅務司赫德曾論其以
一分五釐行息○實為重利○緣借貸出自國家○不難照五釐
行息○並稱此後如有借銀之舉○若無總稅務司准劉各口
稅務司○均不得印押等因○申陳在案○茲復據左宗棠奏請
撥案籌借洋商銀二百萬○並由臣衙門轉飭赫德會辦○臣

等當傳該總稅務司來署面議。據稱洋商借銀為數不嫌其多。至少亦須借三百萬兩。合外國一百萬磅整數。每月五釐行息。定期三年交還。期內雖有款可還。亦不收受。如屆期不能全清。仍可分期籌還。還一萬即減一萬之息。惟所借之銀。必須六箇月方能交清。並須先行函詢上海銀號。如有銀兩。方能定局。若銀兩不敷。仍須寄信外國那兒等語。臣等查自來借貸。期近則利重。期遠則利輕。即中國亦復如此。惟借款措齊。如期遠在半年。加以寄信上海。往返查詢。如銀兩不便。更須向外國那兒。則為期又在半年之後。未免緩不濟急。緣陝省急需。數不必三百萬兩。而為

期必須迅速。復與赫德相商。據稱如不須三百萬。則惟有仍照前案行息。少借百萬。期可稍速。臣等復思前案一分五釐行息。業經胡光墉辦有成案。難與議減。今若照案借銀二百萬。則行息太重。又未免過於喫虧。再四籌商。因思四成洋稅一項。雖係奏明解部之款。然有款可以抵換。似不妨暫為通融辦理。免得多出息銀。擬令江蘇。浙江。福建。湖北。廣東。各海關。按照左宗棠原擬代借之數。劃分為二。一半由應解部庫四成洋稅項下。先行提出。飛速解交左宗棠軍營支用。一半由各海關出具印票。由各督撫臣加蓋關防。交胡光墉向洋商借用。仍照左宗棠原擬由江甯。

浙江福建湖北廣東各藩司於同治七年三月至十一月
連閏十箇月應協甘餉項下按月撥解各海關發還洋商
並委解部庫文納歸還四成洋稅之款如此量為變通左
宗棠仍得二百萬之用而息銀可省一半如蒙

俞允即由臣衙門行知江南浙江福建湖北廣東各督撫臣轉行
各關監督出具印票由各督撫臣加蓋關防交胡光墉迅
速會同應寶時與洋商交割分批起解並飭飭總稅務司
赫德督同各口稅務司畫押妥辦並請

諭令左宗棠於以上兩項銀兩隨收隨報臣等各衙門以便查催
諭軍機大臣等寄諭大學士兩江總督曾國藩陝甘總督左宗棠

福州將軍兼署閩浙總督英桂。閩浙總督馬新貽。兩廣總督瑞麟。著湖廣總督湖北巡撫郭柏蔭。江蘇巡撫丁日昌。浙江巡撫李瀚章。福建巡撫卞寶第。廣東巡撫李福泰。傳諭護理湖北巡撫布政使何璟。前因左宗棠奏請借用洋商銀兩。當經諭令該衙門妥籌辦理。茲據總理各國事務衙門奏稱。照案借銀。行息太重。四成洋稅一項。不妨暫為通融。請將左宗棠原擬代借之款。劃分為二。一半提用洋稅。一半由各海關向洋商借用。開單呈覽等語。左宗棠軍餉待用甚急。該衙門所籌辦法。既可節省息銀。又可不誤要需。自是兩全之道。即著曾國藩等按照該衙門所擬各節。先由應解部庫四成洋稅項下。提出銀一百萬

兩飛速解交左宗棠軍營支用。其一百萬兩由各海關出具印票。由各督撫加蓋關防。交胡光墉應實時。向洋商借用。由江甯等省各藩司。於應協甘餉項下撥還。並委解部庫交納歸還。四成洋稅之款。仍足二百萬兩之數。左宗棠於以上兩項銀兩。隨收隨報。總理各國事務等衙門。俾便查催。該大臣素顧大局。必能仰體籌餉之艱。撙節動用。迅埽逆氛。以慰朝廷西顧之憂。其單開數目。著各該督撫等。督飭按月分別起解。毋許稍延。至四成洋稅。係解部要款。並著按期撥解。如有遲延。卽著照撥解京餉章程。查明參辦。

華解夷務始末卷之五十六

籌辦邊務始末卷之五十七

同治七年戊辰正月乙巳總理各國事務恭親王等奏
治六年十二月十六日由軍機處鈔出綏遠城將軍裕瑞
等奏查明歸化城商民請依邊假道通商販運茶斤行走
路程等同一摺奉

諭該衙門議奏欽此○臣等查該將軍覆奏各節雖屬實情惟西路
商民向領部票前往烏嚕木齊塔爾巴哈台等處貿易烏
魯木齊在伊犁進東並非邊界處所惟塔爾巴哈台與俄
境毗連其所云由俄西與西洋諸國各通商究係何國臣
等無由懸揣現在西商既已因極北商之利復被俄人所

奉○自應設法體恤○以蘇其困○但商情雖不可不恤○邊蒙尤不可不防○恰克圖為俄人出進貿易一大口岸○自應確查該處一切情形○將如何恤商○如何弭釐之處○妥籌辦法○方可有利無弊○臣等公同商酌○擬由總理衙門○戶部○理藩院○各自遣委員一人○會同前往恰克圖○勘查明確○再為定立章程○似於邊務商情○兩有裨益○如蒙

俞允○卽由臣等欽遵派員辦理○

御批○依議○

恭親王等又奏○臣等查華商赴蒙古等處貿易○以茶葉為大宗○除在各關口輸納正稅外○均在多倫廳同知察哈爾

都統。綏遠城將軍等衙門。請領部票。註明該商姓名貨色。及所往之蒙古部落。以便稽查。惟張家口商人。准由察哈爾都統衙門領票。赴恰克圖與俄人交易。在多倫廳綏遠城商人。向不前往。故從前張家口赴恰克圖華商。頗獲利。蓋自與俄國議立陸路通商章程以來。俄人自行由津販運土貨。赴恰克圖貿易。華商利為所奪。大半歇業。緣俄商販茶回國。止納正稅一項。而華商販茶出口。交納正稅之外。到恰克圖後。復交票規。每張五十兩。咸豐十年。因軍餉支絀。奏准每商票一張。在察哈爾都統衙門捐輸釐金六十兩。奏撥察哈爾駐防常年兵餉。華商釐稅既重。獲利無

多是以生計日窮。漸行蕭索。臣等前因俄商販茶回國。恐在羊路偷賣。酌定由天津發給三聯執照。以便稽查。然立法雖嚴。而俄商到恰克圖後。即將照尾繳銷。是否販運回國。抑仍回銷於蒙古各部落。無由知悉。至蒙古各部落處。與俄國接壤。前於同治四年。議改陸路章程。俄國堅欲在張家口任意通商。臣等以張家口接近京畿。非邊界可比。不但於商稅有礙。且恐漸弛邊防。其患非小。是以再三斟酌。相持未准。逾之又知。違礙使照會。許以二年後再議。臣等曾將大概情形。於同治五年三月初一日。具奏在案。現在俄國於張家口任意通商一節。仍復藉茶繞舌。端

其處心積慮。不徒以蒙古為利藪。希圖壟斷。更恐以邊界為奇貨。暗恃狡謀。蒙古部落既弱且貧。無能為役。而中原又值多事。未可別啟弊端。臣等再四密商。惟有將恰克圖商務設法經理。鼓勵西北兩路商民同往貿易。以分俄商之利。將來恰克圖百貨雲集。日見興盛。則張家口通商之議。或可不即來爭。似亦釜底抽薪之一策。至於恰克圖應否添設稅課。及張家口以內釐稅。應否裁撤歸併。擬抵之處。統俟派員查訪回日。再由臣等妥議請

旨遵行。

御批依議。

恭親王等又奏。臣等擬派員赴恰克圖查看。不過於內地
形勢。及邊外商情。藉資採訪。至於外國一切事件。恐非該
委員等採訪所能盡悉。現擬密飭總稅務司赫德。於稅務
司內酌派一人。以游歷為名。赴恰克圖一帶。密行查探俄
人。及西洋各國。與華商貿易利弊。以備查覈。理合一併附
片密陳。

御批依議

二月庚辰。總理船政前江西巡撫沈葆楨奏。臣於同治六
年九月二十三日。業將洋將購器雇工到閩詳悉情形奏
明在案。十月十二日。總監工達士博。錢山。煤山監工都達。

英文教習嘉樂可。醫官尉達樂等到。臣隨時犒勞安置。該洋員等靡不感戴。

聖仁。臣一面與日意格熟籌應辦事宜。並飭各員紳鳩工庀材。務期妥速。以便開工。日意格先令木匠將從前所蓋棧房。按段編門。平鋪地板。令畫匠繪一百二十匹馬力船式於地板之上。分行布線。細如繭絲。凡船身所有關節銜接處。莫不有圖。各不相混。曲直尺寸。誌以洋字。令中國木匠一一辨識。俾按圖仿造。可以不煩言而解。又於船塢之右臨江口岸。創造船臺。其造工之法。先用木椿長二三大餘者。以雲梯懸七百斤鐵椎。數十人挽繩擊下之。與地平而止。星

羅幕布以固其基。復將大木縱橫壓於木格之上。以取其平。乃鱗疊巨材。鈐以長四尺方圓四寸之鐵釘。使結合無隙。其底寬二丈五尺。以次遞銳。及其巔僅五尺。厚一尺三四寸不等。正視之若堵牆。旁視之如累塔。足為一臺。自外而內。以次漸高。凡為臺五十有五。前臺高一尺六寸五分。積至末臺。則一丈六尺五寸。將來船成入水。順推而下。勢若建瓴。可不重煩人力。每臺相去三尺有奇。統計全臺長二十有四丈。中間貫以巨梁。支側柱無數。仗互相撐拄。深固不搖。然後可鋪板其巔。以造船底。自去年九月中旬而後。匠作百餘人。斧斤無閒。至十二月初五日。第一座船臺

始竣其餘三座。今年秋冬當陸續告成。然而船之所貴者
在機。機之所出者在廠。鐵廠間繁既重。工費益繁。方日意
格之未來也。其監工俄羅斯人貝錦達。壘土於塢之中央。
形如半月。議以船臺鐵廠參列其中。副達士博以火患難
防。宜離不宜合。復召工填土。期於一律坦平。劃前右方百
餘丈之地為船臺。四劃後左方百餘丈之地為鐵廠五。其
一曰鐵廠。其二曰水缸廠。其三曰打鐵廠。其四曰鑄鐵廠。
其五曰合攪鐵器廠。廠界既定。乃於壘牆之地各開溝。徑
二十丈。廣六尺。深五寸。恐其積水難消也。每溝之旁各開
一井。以洩之。溝底徧釘巨柁。留徑尺出地面。填以碎石。持

之成屑。使與格齊。其上築以石灰。再聯置方石。交互鈐束。以為基址。然後可施數層梁柱。天寒霜肅。眾杵爭鳴。邪許之聲聞數里。此未造船以前。創立船臺。並度量鐵廠基址之情形也。去年十一月十八日。頭起夾板船。運火鋸鑽鐵機。劈鐵機。礮輪。洋秤等物。並大小鐵片鐵條二百五十餘噸。到船高器重。數百人運二十餘日始畢。有一器以五十餘人昇之。而揮汗如雨者。所購木料。除運羅以急於運米。無船可裝外。餘則花旗木。及香港所購之暹羅木。先後附船而來。雖船機未齊。而船臺已成。船材漸集。可造船身。遂擇於十二月二十四日。親率在事員紳。並日意格。達士博。

等○祭○告

天后○出○赴○船○塢○借○提○調○官○周○開○錫○夏○獻○綸○與○諸○員○匠○共○擇○龍
骨○安○上○船○臺○入○利○鐵○廠○親○自○拽○繩○下○石○均○奠○以○牲○醴○以○昭
慎○重○禮○畢○召○中○外○員○匠○敬○宣

皇○上○德○意○勗○以○龜○勉○國○功○我

國○家○懋○賞○懋○官○有○逾○常○格○聞○者○皆○歡○聲○雷○動○手○舞○足○蹈○出○自
至○情○臣○借○提○調○官○舉○舞○竿○觴○勞○之○以○酒○而○退○此○當○日○船○身
開○工○蓋○鐵○廠○經○始○之○情○形○也○日○意○格○以○連○船○之○樞○紐○不○在
運○鑿○揮○椎○而○在○畫○圖○定○式○非○心○通○其○理○所○學○仍○屬○皮○毛○中
國○匠○人○目○不○知○書○且○各○事○其○事○恐○他○日○船○成○未○必○能○悉○合

船之竅要。故特開畫館二處。擇聰穎少年。通繪事者教之。
一學船圖。一學機器圖。庶久久貫通。不至運木遺木。又以
船臺船身。所需鐵業釘螺甚夥。萬難待鐵廠之成。不得不
先蓋兩區。俾隨時打造。於是。有小鐵廠之設。春間多雨。恐
停工廢日。不得不先事圖維。於是。有附近船臺搭蓋板棚
之舉。搏和石灰。鋸鑿石板。恐其散漫無稽。故滋偷情。於是
有附近外國棧房搭蓋板棚之舉。此隨時相機酌量辦理
之情形也。臣維輪船之制。雖屬奇創。而詳察洋匠所造。衆
泰皆依準繩。苟極中國之聰明。諒不難於取法。惟是工繁
費重。厥有數難。海濱土狹水寬。列數千萬斤之機器於一

隅。已不勝為患。若機器一動。應地震擊。尤虞內重外輕。必
周圍累巨石為隄。方臻鞏固。而各廠急需之石。招匠廣採。
方日不暇給。石隄所費更難計數。不得不俟諸春末夏初。
去年十二月二十五日。以風怒潮激。沖斷隄根。致崩坍十
數丈。牽倒棧房五分之一。聲震如雷。現搶護之以巨椿。大
局尚無妨礙。然一勞永逸。石隄終非可緩之圖。而石匠往
往居奇。其傲高價。縱之則玩。急之則逃。不得不略示罰。
為招徠地步。此需石之難也。鐵廠初基。取材最鉅。尚有舵
廠。模廠。鑄廠等十餘處。梁柱大必數圓。近水之區。萬難中
選。深虞運谷輦致一枝。費既不貲。動淹旬日。取之立竭。而

待之甚殷。此需木之難也。廠地木屬村田。恒虞水潦。每有
營造。必增土五尺。方樹屋基。而所填之土。稍乾則尺寸頓
減。須添填兩三次。乃得其平。以錢購土。竟至十數里內無
可購者。此需土之難也。中外工匠言語未通。日攝手畫。事
多隔闕。稍習其言者。必染於積習。執思固緣為奸。且藉以
陵其儕伍。外國匠人以精勤自喜。彼則以偷減為能。巡察
稍疏。作輟任意。督責少過。怨謗叢生。此需匠之難也。要工
所繫。臣不敢浪費以糜帑金。亦何敢惜費以誤大局。不敢
作威以失眾望。亦何敢姑息以順俗情。所幸我

皇上至誠格

天自去年九月以來雨少晴多。既無損於農。而趨事赴工。得以日新月異。日意格達。士博實心實力。事事務求精詳。又執法嚴明。絕不徇庇其下。如監工貝錦達。辦事遲緩。臣首布愛德。負氣陵人。皆立與驅斥。所以洋員洋匠咸悟遵約束。盡心教導。不致滋生事端。在事員紳仰體

宵旰之勤。沐雨櫛風。所宵匪閒。

天心若此。人心若此。庶幾可望有成。謹將造船興工日期並一切情形會同陝甘總督臣左宗棠。福州將軍署閩浙總督臣英桂。閩浙總督臣吳棠。福建巡撫臣李福泰。合詞具奏。沈葆楨又奏。輪船之舉。事事出於創見。創聞必有以籠絡

洋將之心○乃能漸得其要領○西人雖惟利是視○然皆以得
天朝錫命為榮○德克碑係提督銜○日意格係總兵銜○故原議以
德克碑為正監督○日意格副之○嗣左宗棠以日意格通漢
文漢語○人亦和平○遇事得與之面商○不致譁者○釐其間
諸多窒礙○於是改日意格為正監督○德克碑副之○當時止
為使於公事起見○非有所軒輊其間○茲胡光墉來工○詢日
意格以德克碑近狀如何○日意格對以德克碑於購器雇
工等事○皆竭盡心力○相助為理○惟以提督為總兵之副○不
免慮為外國人所輕視○即該洋將亦於心有所未安等語○
日意格又屢為臣言○總監工達士傳辦事之勤能○該洋將

於船塢要工。偶有未盡透徹之處。咸賴其推誠指授。該洋將本係四品官。可否奏乞

恩施。俾各洋員洋匠有所觀感。臣對以該洋員勤能盡職。洵非虛語。自當繕折奏

聞。至大功尚未告成。

朝廷縱有

特恩。亦非臣下所能擅請。惟查德克碑常互易正副監督之。祇以在浙時受

恩深重。故尚未有違言。而胸中實不能無所芥蒂。日意格官階居其下。亦內顧不免自疑。然該洋將等各竭所長。馳驅致命。

並不以私嫌之故○稍滋貽誤○實人情所難○過士博趙事之
勤○任事之力○實臣所親見○可否仰懇

天恩○道格○以船政開工○

特旨將正監督日意督

賞加提督銜並

賞戴花翎○副監督德克馨

賞戴花翎○總監工達士博

賞加三品銜○以泯猜疑○而資激勵之處○出自

宸裁○謹會同陝甘總督臣左宗棠○福州將軍著閩浙總督臣英桂○

閩浙總督臣吳棠○福建巡撫臣李福泰○附片密陳○

諭軍機大臣等。沈葆楨奏建造船塢工日期。並陳明船廠情形一
摺。據稱開造輪船鐵廠。閘繫最重。上年十二月間。船臺造成一
座。所運鐵器木料。亦已附舶而來。當親率在事官紳工匠。前赴
船塢開工。相機酌辦。惟需石需木需匠。四者頗難。所奏均
中窳要。輪船一事。所難在於經始。現在鳩工已有可觀。尤當矢
以實心實力。期於必成。卽著沈葆楨。督飭周開錫等。及日意格
各員。盡心經理。毋以畏難自阻。庶日新月異。共觀厥成。其巡察
布置。一切均著照該前撫所議辦理。沈葆楨以本地紳士。督辦
船政。事非易為。英桂。馬新貽。李福泰。卞寶第。務當遇事籌商。並
將經費隨時撥給。俾得一無牽掣。克期要工。沈葆楨另片奏請。

將洋將獎勵等語。日意格等。自委辦船工以來。勤能盡職。自應量予恩施。正監督。日意格。著賞加提督銜。並賞戴花翎。副監督。德克碑。著賞戴花翎。總監工。達士博。著賞加三品銜。該前撫核奉此旨後。即行宣示。以昭激勸。

辛卯。著貴州巡撫張亮基。奏。黔省教民事件。前經臣奏明。專派候補道蔡興槐辦理在案。本年五月間。據該員稟稱。接到家信。得悉原籍湖北被兵。父母為賊銜散。請假赴楚省親。臣已批准給假。並以教民與漢民交涉各案。亟須遴員接辦。非精明幹練而兼為主教所欣佩者。不能勝任。當即飭令署藩司曾璧光。臬司葆亨。偕赴天主堂。面詢主教。

胡縛理司鐸任國柱令其酌舉所知該主教等面稱請派
已革按察使銜前貴東道多文已革知府銜補用同知直
隸州知州汪維翰先行試辦該署司等隨即據情詳請機
委臣查汪維翰本係奏明留營效力之員惟多文前於四
年冬間經臣奏懇效力當差奉

旨著不准行理應懷遵何敢任意差遣第臣悉心訪查該主教等
近年採聽輿論頗知多文從前被參皆由田興恕所累而
田興恕之與教民為難多文實未贊助該主教等心中不
無悔悟汪維翰辦事勤能則又為該主教等素所喜悅是
以欲令該二員試辦教案若不允其所請另行委員接手

不特事多扞格。且恐因此另啟猜嫌。展轉等思。止可從權。剗委。半年以來。該革員等任勞任怨。實心經理。已將教民要案。連結數起。辦理均臻妥協。與主教等亦稱淡洽。茲據主教胡縛理。以多文。汪維翰奉委後。首將青巖畢節二處多年積案。次第辨結。現在趕辦興義。貴定各案。亦有端倪。似此辦事認真。不致如前積壓。實屬中外悅服。應請奏明。從優獎敘。俾期奮勉。而示鼓勵等情。照會前來。可否仰懇天恩。俯准主教胡縛理所請。卽將已革花翎按察使銜前貴東道多文。與留營效力之已革藍翎知府銜補用同知直隸州知州汪維翰。一併

賞還原銜頂翎○以示懷柔而昭優獎之處○出自

聖裁○

御批○多文於田○興恕案內革職永不敘用○前據張亮基奏○請留該革員辦理籌餉帶練等事○不准干預教民事件○當因該革員前案情節較重○未經允准○何得顯違諭旨○仍令干預教務○所奏前後矛盾○汪維翰亦係革職永不敘用之員○張亮基輒以委辦教務為詞○為該革員等續請○實屬乖謬○且督撫委員辦理教務係屬地方公事○何得先向主教面商○咸何政體○所稱經理教案中外悅服○顯有鑽營請託情弊○所請著不准行○多文○汪維翰○並著勒回旗籍○不准仍留黔省○

丙申總理各國事務恭親王等奏。臣衙門於本月十四日。據俄國使臣倭良嘎哩。呈遞照會。內稱察罕葛根。帶兵持械。闖入俄境。肆行撲搶。並在彼貿易之俄商受損虧資。當葛根本入行強之先。送給該哈薩克告示。諭以著人來見。投降定約。否則盡行撲殺。拜吉紀特不從。葛根遂按告示而行。被搶人眾。俱在俄國界內。設若本國屬下哈薩克。或有數戶數屯入中國遊牧。幫同回匪搶掠。應照塔城和約第九條。中國地方官先行文俄國查辦。絕無私入鄰國行強之道。今葛根撲搶之時。尚有將軍駐紮俄境。會同封疆大員商辦事件。何竟如此。葛根所犯情節重大。必自行的。

情○仲○雪○盡○力○設○措○消○其○斯○帥○所○坐○愆○尤○使○派○將○來○兩○疆○遺
恨○復○繕○進○臣○等○信○函○內○稱○據○被○俘○人○眾○口○供○該○處○喧○傳○以
葛○根○奉○京○中○之○令○不○肯○遽○爾○輕○信○擬○定○五○條○請○為○查○辦○並
請○賠○補○俄○商○及○葛○根○武○旺○如○何○懲○治○等○因○查○此○案○先○據○該
使○呈○遞○照○會○內○開○具○五○款○所○論○礙○難○辦○理○經○臣○等○連○日○力
加○申○駁○始○據○該○使○改○繕○照○會○後○將○所○議○賠○償○等○款○欽○於○函
內○請○辦○前○來○溯○查○上○年○十○月○間○臣○衙○門○議○奏○著○伊○爾○將○軍
崇○全○奏○陳○現○抵○斜○米○與○俄○官○議○辦○收○攬○索○倫○人○眾○又○奏○歸
降○俄○國○哈○薩○克○滋○生○事○端○妥○為○籌○辦○各○摺○片○請

飭○下○麟○興○崇○全○等○雲○麟○等○轉○飭○棍○喝○扎○拉○等○查○照○臣○衙○門○照○會○俄

使各節及前次欽奉

諭旨○審度情形○妥實籌辦一摺○奉

旨○依議○欽此○欽遵○行知○榮全等去後○迄今尚未據榮全等咨覆○此次倭良嘜哩所稱○等根聞入俄界○搶掠哈薩克情節○甚重○請為查辦等情○臣等查哈薩克以眾○本係界居兩國○向背無定○現值回匪未靖○藉端起釁○有由中國逃至俄國者○有由俄國越至中國者○前此棍噶扎拉參奏稱○中國滋事之哈薩克○逃往俄國○曾飭令俄官交出○未經交送○嗣後越境搶奪○致被中國傷斃等語○該哈薩克克性未除○互相搶掠○實難保其必無○惟據榮全大稱○是致棍噶扎拉參○今與兩

東遼居。不可再釀事端等語。似提噶扎勒參帶兵西進。追剿非一人。擾及俄境。亦未可知。第既未查明實在情狀。勢不能聽俄使一面之詞。遽為查辦。亦未便將該使所請置之不理。致跡涉偏徇。更無轉圜。臣等公同商酌。先行給予該使照會。以此項哈薩克。或係在中國沿途滋事。被葛根追剿。逃入俄國。抑或俄國遊牧之眾。出境搶掠。致與葛根互闢。葛根如有告示。是否送給中國滋事之哈薩克。抑或先行發給俄國之哈薩克。並是否於俄國居住貿易商人。一併受損。尤為飛咨各該將軍大臣查辦。復另給一函。仍將所議五條略加辯論。於尤其代為覈實確查之中。仍暗

竊駭斥之意○該使尚可靜聽查辦○至該使函內所稱被俘之人○未經指明何項人眾○或卽係中國滋事逃入俄境之哈薩克○或棍噶扎拉參在彼截勒之時○中國兵丁○被該國俘去○均未可知○若係向居俄境之哈薩克○該國斷不稱為被俘之人○應請

飭下伊犁將軍等○詳細查明○迅速咨覆○臣衙門○俟咨覆到時○如該使所稱各節○全屬子虛○臣等卽可給其照會○與之辯論○僕棍噶扎拉參實有越入俄境○趕追勒中國滋事哈薩克之勢○竟將該國居住之人擄及○亦卽由臣等斟酌相機辦理○該將軍等務當據實聲覆○無稍迴護○卽使事體辦理不易○

亦惟有設法措置○以免該國有所藉口○

諭軍機大臣等○據總理各國事務衙門奏稱○接據俄國照會○內稱
棍噶扎拉參帶兵西進○越界撲搶哈薩克各情○請飭伊犁將軍
等詳查酌辦等語○哈薩克人眾○界居兩國之中○其向背本屬無
定○據崇全奏稱○歸降俄國之哈薩克滋事○函致棍噶扎拉參○向
東退居○不可再釀事端○曾經諭令麟興等○轉飭棍噶扎拉參安
實籌辦○上年棍噶扎拉參帶兵西進時○亦有途遇哈薩克搶奪
牲畜○當經抵牾○並逃往俄境○未便跟蹤追剿之奏○是該喇嘛之
裁殺哈薩克○確有其事○而俄人之謂該喇嘛撲搶伊界內哈薩
克各節○若照崇全函致該喇嘛之語○則越界一事○未必盡虛○現

經該衙門與該公使往返辯論。自應查明酌辦。以免爭端。所有
此項哈薩克。是否由中國逃入俄境。抑係俄國遊牧之眾。出境
搶掠。該喇嘛有無誤入俄境。勒辦之事。所給告示。是否竟給俄
國居住之哈薩克。其時俄國在其本境貿易之商民人等。是否
一併受損。並在俄境被俘之人。是否係棍噶扎拉參所帶之兵。
即著麟興。景奎。錦丕勒。多爾濟。李雲麟。徹底查明。據實具奏。以
憑總理衙門設法料理。事關越界逞兵。必須平心靜氣。示以誠
信。大公。方不致遽生邊釁。如該喇嘛確有越界誤殺情節。麟興
等斷不可稍涉含糊。致滋俄人口實。而使辦理益難轉圜也。總
理各國事務衙門。摺。及給俄使照覆一件。並俄使照會一件。均

著鈔給閱看。

俄國照會

為照會事。照得前因察罕葛根及昂邦武壯等統帶土爾
扈特兵丁持械闖入俄境將遊牧之拜音紀特部落哈薩
克肆行撲搶。經本大臣於同治六年十月二十五日據情
照會。請將該原犯嚴行查辦。並所有在彼貿易之俄商及
該哈薩克被搶受損虧資。及其中一切情形。聲明照會在
案。此事乖傷多年和好。負本國助勦西疆回匪美意。皆無
庸議。但查葛根搶掠滋事。明知係在俄國境內。前照會中
所言諸情。足為憑證。據所經之路。皆出塔爾巴哈台嶺以

北○兩卡守兵之後○茲續接重慶○尤為鑿鑿有據○方葛根本
入行強之先○送給該哈薩克告示○諭以著人來見○投降定
約○否則盡殺其人○席捲其物○拜肯紀特不肯順從○葛根遂
按告示而行○若非蓄志在先○何以有示諭威嚇○查拜肯紀
特被搶人眾○係有三部○一曰薩特○一曰賽布拉特○一曰他
烏克○均於夏時多半於智忒阿爾阿拉河遊牧○並烏拉斯
忒河撒爾噶梅塞他都斯公河撒勒車庫山嶺等處○因俱
在俄國界內○按塔城和約第五條○所有在此遊牧之哈薩
克○均歸俄國屬下○事最明白○毫無含混○設若本國屬下哈
薩克○或有數戶數屯○時入中國遊牧○以致如葛根所言○被

回匪煽惑○隨同搶掠塔城等事○該犯絕無交

貴國辦理○及六年九月二十四日照會○內稱葛根之意○今全
數逐出○更無如上年七月間擅入俄境攻伐之理○如查有
俄屬哈民○幫同回匪之事○應照塔城和約第九條○中國地
方官○先行文俄國封疆大臣○查明該犯○按俄國刑律治罪○
此為正理○絕無私入鄰國行強之道○是以葛根所犯情節
重大○難以含容○諒貴王大臣自然明曉○我大臣奏聞○大皇
帝○甚為不悅○更因自新疆亂起○

貴國該處避難人眾○時有暫入俄境棲遲○本國無不隨方酌
裁○照料體恤○而葛根等撲搶○同時尚有

貴國將軍駐劄俄境會同封疆大員商辦事件何竟如此以上各情本國總理衙門咨行本大臣並聲明此次滋生事故想

貴國隆重多年和好深動睦鄰守禮之心亦必自行酌情伸雪盡力設措消其將帥所坐懸尤便泯將來兩疆遺恨之跡實為切望相應照會

給俄國照覆

為照覆事接准貴大臣照會內稱察罕葛根搶掠滋事等因前來本王大臣查此事起釁之由總因哈薩克有在中國界者有在貴國界者且有於兩國向背無定之哈薩克

時赴兩國搶掠者。此等情形。久為貴大臣所素悉。據察罕
葛根。國上年帶兵西進。迎接收攬難民。途遇哈薩克擁眾
搶奪牲畜。當經抵牾。遂致逃往俄境。彼時葛根追至俄界。
據云未便跟蹤追剿。曾經行文俄官。請逐出勒勒。並會同
西路各大臣。咨請本衙門照會貴國。似該葛根於塔城和
約第九條。未嘗不知。而所追剿者。係在中國界內沿途滋
事之哈薩克也。今據貴大臣照稱。葛根帶兵闖入俄境。搶
掠拜肯紀特部落哈薩克等語。又似係居在貴國之哈薩
克。而葛根無端闖犯者。究竟此項哈薩克。或係在中國沿
途滋事。被葛根追剿。逃入貴國。抑係貴國遊牧之眾。出境

搶掠致與葛根互鬭。葛根如有告示。是否送給中國滋事之哈薩克。抑係竟行發給貴國之哈薩克。並是否於貴國境內居住之貿易商人。一併受損。前已飛咨各該大臣查辦。因禁將軍尚未回境。是以較遲。應再飛咨伊犁將軍等。確實切查。俟查覆後。當無不秉公嚴辦。為此先行照覆。貴大臣查照可也。

俄國公使來函

前因土爾扈特等兵二隊。隨從察罕葛根。及昂邦武壯等。闖入俄境。將遊牧之拜吉紀特部落哈薩克。肆行撲擒。已於本日遵照本國來文詳細照會。請酌量伸雪在案。查來

大又稱據被俘人眾口供。該處喧傳。以葛根為本京中之
今。

貴國並置而不問。似乎有因。惟本國素習多年和好。不肯遽
爾輕信。兼願減盡訛言痕跡。想此次中國將帥所坐懸尤
自必盡力抵補。其如何抵補之處。至輕擬定五條。開列於
左。

一

貴國宜另行文。以出此事故。甚可惋惜。求為容恕。

一本國商民及哈民。被搶失物查清。

貴國照數賠還。

一察罕葛根。武旺等。宜嚴拏治罪。

一

貴國嚴飭邊界各官。重視鄰邦。不得擅越。否則本國疏令其兵。遇有越界搶掠重案。將該犯追往中國境內致討。

一新疆毗連俄境。現有賊處。

貴國宜設良法。整頓肅清。以上五條。覈其擅越情形。想貴王大臣亦必以為從輕。一經施行。不特於國體無傷。愈覺光明正大。兩國和睦。從此益敦。蓋不獨為國。卽以家論。設有一人闖入別家作亂。若為和事。第一當賠禮。偶有虧損。卽當賠還。以弭犯義之跡。今葛根。武旺。乃係

貴國將帥大員。且明在俄國境內搶掠。毫無疑義。查前

貴國新疆亂起。先後本國臺相奉告。不准持械兵隊入我境
內。遇有難民。暫行接止。自當竭力保護。然應入境先將兵
器交官等語。二年前復固有巴揚託孤子越界。又將此語
中戒。今葛根等統帶兵丁二隊。持械入境。實犯藐視鄰疆
之過。如謂收攬難民而來。亦應在邊界靜候。未得俄官准
許。不得擅入。此情業已回明榮將軍。安得如此。又查拜吉
紀特部落遊牧之塔爾巴哈台嶺以北之智忒阿爾阿拉
河等處。均在本國境內。距邊界尚遠。前面復有兵丁數名
守卡。葛根亦非不知。乃前進二日之久。至智忒阿爾阿拉

河該哈民遊牧之地。足見明知在俄國境內矣。今葛根既在俄國境內搶掠。前所稱拜音紀特先行撲犯之語。查覈已屬子虛。縱使不虛。亦應立時賠補。緣該處尚有俄商貿易。因恃在自乙國中。坦然無恐。乃與哈民同時被掠。自應迅速賠償。所搶數目。現在俄官約計查畢。應請貴王大臣劉飭該員等速行賠補。勿再耽延。又按葛根滋事起於上年七月。至今毫無動靜。若仍耽擱。誠恐兩界情形漸至化為憤怒。更當速結。至葛根武旺。應如何懲治之處。北京和約第五條。開寫極明。料無難處。專此佈達。望即見覆。勿今日為懸望。以便轉覆本國可也。

給俄國公使信

查察罕葛根等入俄境將遊牧之拜音紀特部落哈薩克
撲掠一案。前次本王大臣接閱署伊犁將軍榮所報情形
與西恩畢爾所報迥不相同。曾經照覆貴大臣。並言明仍
俟確查在案。現在各執各詞。尚未查明。並不復辦。惟聞來
函云。被俘人眾。喧傳葛根奉京中之令。本國不肯輕信。兼
願減盡訛言痕跡。此次中國所生愆尤。自必盡力抵補。並
擬定至輕抵補五條。請剴飭該員等速行賠補等因。查此
案現在尚未查明。本衙門又復催辦。將來查明自有水落
石出。業經將現辦情形。另文照覆貴大臣在案。查貴大臣

臣稱被俘之人。喧傳葛根所歸。係奉京中之令。此等被俘之人。所言何足為憑。貴國不肯輕信。貴大臣指其所言為批言。實能洞察事機。無任欽佩。惟貴國所俘之人。是否係中國滋事。逃入俄境之哈薩克。抑係葛根帶領之人。被貴國俘去。貴大臣函內未經指明。本大臣亦未便懸揣。至所云抵補五條。由貴國代擬。本衙門有不能已於言者。譬如中外兩國邊界官。緝獲曲直。尚未查明。大取心疑。曲在外国。中國斷不肯於未經查明之先。豫立條款。責外國以必行。即或查明實係曲在外国邊界官。中國恐與住京大臣體面有礙。亦必須先與住京大臣妥商。不肯豫為代立條

款互證。迄觀彼此一理。誠以關係兩國和好。不能因邊界
偶有不協。卽行彼此齟齬。應俟統案徹底查明。如中國邊
界官果因追勦滋事。哈薩克有誤越貴境之事。中國必不
固執己見。如中國並無錯誤。貴國亦不必有所偏執也。相
應先行函覆。貴大臣查照。

恭親王等人奏。臣衙門於同治七年二月初九日。據美國
使臣衛廉士呈遞照會。內稱前年八月間。有美國兩枝桅
之商船。在高麗開淺。高麗土人與船上打仗。洋人死。殆
盡。昨據煙臺美國領事官中詳。有中國帶水人于文泰回
來云。伊到高麗。遇高麗商人金子平。說親見有洋人二名。

華人二名在披陽省衙門內等語。請卽設法救出。並請轉行高麗。將本國商船在彼如何被害之實在憑據。詳述前來。以昭關切等因。同日又據英國使臣阿禮國照會。稱去年法國兵船前往高麗交戰。嗣後美國商船一隻亦赴高麗。有通商之意。被高麗人將船打破。所有船中人盡行殺死。現有帶水人告知煙臺美國領事官云。確知有該船中洋人二名在高麗未死。係美國民人。請卽設法救出。轉送至京各等因前來。臣等查同治五年九月間。曾據英國領事官稱。有美國船在高麗間淺。被高麗土人將船燒毀。捉去船主水手二十四人。未知生死如何。僕或送至奉天。

請飭該處地方官撫卹保護等語。當經咨以前項船主人等。朝鮮如不送來。奉天官難以過問。如果送至該省。自必加護一面行。

盛京將軍。並山海關監督。一體查照。並經臣等奏明。旋據該將軍等以前此朝鮮曾送到難民六名。由承德縣護送至營口。交該國領事收領。嗣後並無送至外國民人等語。聲覆各在案。茲銜康士照稱。高麗有竊留洋人二名。何禮國則稱係英人二名。請為設法查辦。臣等查前項洋人被留。係在法國與朝鮮交兵之際。彼時朝鮮自未必能辨其為英美兩國之人。現在是否尚有二人被留未死。誠恐急

切未能查有端緒。臣等公同商酌。該使臣所云中國越界
民人二名。應聽朝鮮查照向來例禁辦理。其所留洋人。概
先分給該使臣等照覆。尤其緩為籌畫。仍俟有無異議。再
由臣等隨時相機辦理。至現在是否果有洋人被留。可否
請

旨飭下禮部。轉咨朝鮮國王。令其自行酌裁之處。伏候
聖裁。

御批依議。

恭親王等又奏。西洋各國欲赴朝鮮通商傳教。蓄謀已久。
上年法國人前往傳教被害。因而法國帶兵尋釁。英美兩

國皆有船隻前往。致有羈留洋人各節。臣等每於晤會各
國使臣時。無不設法阻止。暗中排解。上年法國使臣。即有
中國護庇朝鮮之語。經臣等力為駁斥。並通致在京各國
使臣照會。以揭其非。此次英美兩國使臣照會。臣衙門以
洋人被朝鮮留位。請為設法查辦。若我接之不理。難保其
不別起波瀾。於事體更無轉圜之地。且恐朝鮮不知所留
係屬英美兩國之人。上年法國兵船前往朝鮮接仗。據英
美兩國聲稱。未與其事。美國聞淺被燒。並非載兵之船。為
朝鮮計。自未便多樹之敵。惟此時若允然英美兩國照會。
違向朝鮮查詢。設無其事。該兩國未必深信。果有羈留洋

人之事。則朝鮮既未與洋人通商。又適當法國構兵之際。朝鮮不能分別何國之人。應留應放。亦未便強該國以所難從。前該國與法國起釁。禮部給其咨文。令熟思審處。計出萬全。卽嗣後有無爭端之事。亦惟該國王自行酌量料理。然朝鮮係臣服之邦。遇事固不能加以勉強。而英法等國性情堅執。亦不能不稍示羈縻。是以王等酌給該兩國使臣照會。但允為酌量緩籌。於拒絕之中。仍寓維持之意。第該使臣能否中止。實無把握。謹將允拒兩難情形。附片密陳。並咨禮部查照存案。毋庸轉咨朝鮮。以昭慎重。

御批知道了。

美國照會

為照會事。所有函托轉詢高麗一案。查前年九月間。本大臣函內言。八月間。有本國兩枝桅之商船。在高麗開淺。當經函覆。稱分致

盛京將軍。及海關監督。妥辦在案。嗣後風聞該船在開淺之處。高麗土人與船上人打仗。彼此傷害。洋人死亡殆盡。去年夏間。本國水師提督。派兵船往彼。查察情形。虛實未得。底細而回。昨據煙臺美國領事官申詳。有中國帶水人于文泰回來云。伊到高麗。見披陽河南邊。有木板船一隻。並無桅柁。船內空空。滿水而已。離海三十餘里。遇有住雀島

之高麗商人金子平。說二月間。親眼見有洋人二名。華人二名。在披陽省衙門內。其餘洋人華人。俱被莊農人打死。非高麗官兵所傷。且見洋人在大街行走。身上並無刑具。卻是後面有人跟緊。不解高麗官留下洋人何故等語。前來。本大臣因思帶水人于文泰所說。亦足為據。非無稽之言。貴親王能設法救出四人否。請轉達高麗國。將洋人二名。華人二名。送交中國官。本國與高麗素無交涉。該商船往入彼境。遽加殘害。有乖情理。其中必有原由。本國斷難隱忍。定欲追尋其故。我兩國多年和好。敢希轉行知高麗。將本國商船在彼如何被害之實在憑據。詳述前來。以便

本大臣奏知國家○以昭友誼○聞切○是所感謝○

英國照會

為照會事○去年大法國水師提督帶領兵船○前往高麗文
戰○嗣後大美國商船一隻○亦赴高麗有通商之意○行至北
陽河○被高麗人將船攻打○俾聞船已攻破○船中人等盡行
殺死○以後謠傳甚多○皆云該船中人有未死者○被高麗監
禁○現有帶水華人一名○告知美國煙臺領事官云○確知該
船中洋人華人各二名○在高麗未死○今日美國欽差大臣
將文件與本大臣觀看○固知該船中有英民二名○故特照
會貴親王○切望即設良法○力將洋人二名救出○並轉送至

京。是為至要。貴親王如此辦理。非但仁義兼盡。且以見友誼克敦之節。我國家聞之。自當感悅也。

給美國照覆

為照覆事。准貴大臣照會。內稱前年九月間。有本國兩枝桅商船。在高麗開淺等國。同日又准英國何大臣照稱。去年大法國兵船前往高麗交戰。嗣後大美國商船一隻。亦赴高麗有通商之意。行至北陽河。被高麗人將船攻打。現有帶水華人一名。告知美國煙臺領事官云。確知該船中洋人華人各二名。在高麗木死等國前來。本爵查前年九月間。曾據貴大臣函稱。本國船隻。在高麗開淺。被土人將

船燒毀。捉去水手二十四人。僕或送至中國。請飭奉天府
撫卹保護等語。卽經本衙門大臣等面告貴大臣。以如果
送至該省。自必加意保護。當由本衙門行文奉省。及山海
關監督。轉飭查辦。旋據本省覆稱。前此曾有朝鮮送到外
國遺風難民六名。由承德縣護送至營口洋行。交蘇領事
收領。嗣後並無送過外國民人等情。茲准前因。查此事先
經貴國兵船前往查詢。未得底細。總因在法國與朝鮮交
兵之際。是以訪察為難。現既承貴大臣照請設法辦理。本
國自當緩為籌畫。必須於事有益。方可酌量設法。斷難遽
爾轉行查問。如或急切不能得有端倪。仍望貴大臣見諒。

緣朝鮮雖臣服中國○其本處一切政教禁令○概由該國自行專主○中國向不與聞○貴大臣諒亦鑒及於此也○除再行文奉省○轉飭地方官隨時查探○並照覆英國阿大臣外○為此先行照覆貴大臣查照○

給英國照覆

為照覆事○准貴大臣照會○內稱去年大法國水師提督帶領兵船○前往高麗交戰○大美國商船一隻○亦赴高麗行至北陽河○被高麗人將船攻破○所有船中人等○盡行殺死○現有帶水華人一名○告知美國煙臺領事官云○確知該船中洋人華人各二名○在高麗未死○該船中有英民二名○望即

設法救出○轉送至京○同日又准美國衛大臣照會前事等
因前來○本爵查此事先經大美國兵船前往查詢○未得底
細○大概因此事適在大法國與朝鮮交戰之時○是以難於
訪察○既承貴大臣照請設法○本爵當悉心籌畫○如能得有
美善之法○定必妥為辦理○但恐急切難得端倪○尚望貴大
臣諒之○緣朝鮮雖係中國之屬國○其一切政教禁令○由該
國自行專主○中國而不與聞故也○除由本爵行文本省轉
飭地方官隨時查探○並照覆美國衛大臣外○為此先行照
覆貴大臣查照可也○

丁酉○署伊犁將軍榮全奏○李接烏里雅蘇台將軍麟興等

奏摺。內稱據棍噶扎勒參奏稱。伊犁錫伯及綠營回子等。將漢回洗殺殆盡等語。索倫等兵在俄境者。尚有數千。何不迎回就近收復伊犁。又欽奉

諭旨。令等轉飭棍噶扎勒參分別勦辦哈薩克等情。等訪聞該喇嘛此次所勦之哈薩克。其中多有塔城被難婦女幼孩人等。實係起事正賊。至日後應如何分別之處。等相距數千里。無從遠度。現特派佐領額凌額赴俄。咨知榮全。令其就近與棍噶扎勒參妥為商辦。一面派防禦銜雅爾哈。馳騎校連慶二人。赴棍噶扎勒參行營。妥商分別勦辦。機宜等因。准此。伏查等現在斜米該辦一切。前棍噶扎勒

參因迎接索倫等眾。路遇哈薩克賊匪。互相爭鋒。經俄官
而告。聲當卽派員假由俄臺雇覓俄車。今其偵探虛實。由
斜米起至庫庫俄列地方。共有俄臺十六站。再往前行。均
係荒灘。該處俄官。遂派熟悉路徑俄羅斯數人。雇覓馬匹。
護送原差。訪尋棍噶扎勒參行營。晚行夜奔。又十餘日之
久。始至烏蘭布拉俄人行營。聽聞該喇嘛現駐帶明果兒
等處。派俄人引徑帶往。計其往返行途。不下七八千里之
多。除走俄人臺站之外。均係無人之境。自該員回斜米後。
聲與該喇嘛文報不通。今棍噶扎勒參往額爾奇斯河一
帶安設遊牧。距帶明果兒。又在五六站之多。皆係荒灘。聲

欲向該喇嘛行文商酌。不但程途過遠。路無接繼。卽催俄人帶往。馬力亦難支持。查烏里雅蘇台雖相隔萬遠。均係通衢大路。臺站遊牧。絡繹不斷。竊現任在俄國。不知近來各處景況。礙難懸度。

御批該衙門知道

紮全又奏。竊現與俄官疊次行文。約日清還帳目。該俄官互相推諉。揆其情形。意在收留各項人眾。竊前與索倫領隊大臣商辦各項事件之時。早經窺破俄人之意。而屬該領隊總以善言開導。各項人眾萬不可受其煽惑。愚弄。豫整行裝。以備明春起行。查前任紮儀使所議恤惠局。原係

有名無實。自斜米起。阿勒瑪圖止。並未有恤患局之說。前俄人所遞遞出人不用過帳日。各色浮費過多。一俟清還後。即將該夷原呈帳目。咨行總理各國事務衙門查覈備案。伏查斜米等處俄官。多不遵原議額額。

天恩飭下各國事務衙門。再向俄使商議。務期准照原議。速飭斜米等處俄官。遵照辦理。早為清還。庶可永斷葛藤。

御批該衙門知道。

丙午總理各國事務恭親王等奏。臣衙門前接俄國使臣照會。以察罕葛根帶兵西進時。橫掠哈薩克。直入伊境。請飭辦理。當經密陳奉有寄。

諭飭令該將軍等徹底查明。據實覆奏。正在行文間。由軍機處鈔

交榮全奏摺一件。奉

旨。該衙門知道。欽此。○日等查上年十二月間。榮全奏報委員查探
棍噶扎拉參與哈薩克賊眾接仗各情摺內。曾經聲敘面
告俄官。不可聽一面之詞。須詳加查覈。我亦細細訪查。俟
查詢明確。再行商辦。此次奏報。於如何查訪如何商辦之
處。均未經敘及。○僅歷敘行文之難。伏思此案關係綦重。前

經奉

旨飭查。該將軍等自應迅即覈實覆奏。而麟興先欲卸責於榮全。
榮全仍欲諉謝於麟興。往返稽延。尚復成何事體。且俄國

使臣因奉其本國來文○催辦頗急○臣等續與該使臣晤面○
據述撲搶伊境情形○並按圖指陳所過地方○均皆歷歷如
繪○中國如實有誤入彼境之事○不妨據實直陳○不必迴護○
若並無錯誤○亦宜與之辯論○萬不可粉飾枝梧○致開邊釁○
除由臣等業已詳細函達○令其妥速查覆○以憑覈辦外○應
再請

旨飭下該將軍大臣○務須懷遵二月十八日欽奉寄

諭○並查照臣等前摺○及前函所敘各情○逐層徹底查明○據實覆奏○
慎勿再為遷延推諉○致令辦理益難轉圜○

御批○依議○

恭親王等又奏○軍機處鈔文榮全片奏○現與俄官疊次行文○約日清還帳目○該官互相推諉○按其情形○意在收留各項人眾○請

飭○臣衙門再向俄使商議○務期准照原議○速飭科米等處俄官○遵照辦理○早為清還等因○奉

旨○該衙門知道○欽此○臣等查上年十二月十三日○接奉該將軍奏○報○前赴俄國收攬難民○俄官留難阻滯各情○當於十二月十六日○據情照會俄使○令其迅速咨行庫必耶圖爾等官○俟來歲春融○將索倫等眾○按議放行等因○並於十二月二十日○函覆該將軍在案○本年正月十九日○接俄使照覆○以

該國並無留難之意。貴國格外體恤。而查兩國和好之情。除分咨該督等。奉令甫至放行外。相應照覆轉飭伊犁將軍。務須籌備難民沿途所需。以免缺乏等因。臣等當於正月十五日。又經知照該將軍在案。此次榮全奏報。係正月初二日拜發。自係前次文件。尚未奉到。除由臣衙門將與俄國往來照會。再行鈔錄知照外。理合附片具陳。御批知道了。

給俄國照會

為照會事。接准署伊犁將軍榮咨稱。現在來至斜米差員前赴阿勒瑪圖等處。收攬索倫等。不避難兵民。該索倫等

多半那移路傍荒灘住宿。以備起行。奈俄官稱隆冬將近。水涸草乾。前途兼乏柴薪。不日庫必那圖爾來此。方能定奪等語。該員即迎至喀怕兒。面見克訥斯等。再再相求。面陳索倫等眾原係慣冒風雪。不畏寒涼。皆願及早起行。庫必那圖爾言說。官兵尚可前進。老弱小兒。沿途僅有凍斃我等心甚不安。一俟春融後。晝長和暖。牲畜人眾。庶不致別有他虞。亦不負我國管照二年之美意等語。該委員等止得順從俄官之意。俟至春融起行。但種種一節。實為要務。明春起行之期。萬不可再誤。請照會俄國任京大臣。行文阿勒瑪圖等處。明歲春融後。務期按議放行等情前來。

本王大臣查此項索倫等眾流入貴國境內。前經貴大臣
領會。由貴國官員接濟口糧。代為籌墊。並請派員查辦等
因。已咨行伊犁將軍。將此項款日照數賠償。並前往收
攬。當經照覆。貴大臣查照在案。茲據伊犁將軍咨稱。該索
倫等棲遯俄境日久。思歸。願隨中國收攬之員。馳回故土。
得遂耕田。原為養贍身家起見。乃庫必那圖爾等官。以時
值隆冬。不忍老弱之民。蒙犯風雪。其體恤情殷。洵屬始終
如一。惟該索倫等既願早歸故鄉。春耕之期。又不可緩。希
貴大臣迅即咨行庫必那圖爾等官。一俟春令甫屆。即照
前議。准令中國官員帶領該索倫等趕緊起行。並覆知本

衙門。轉咨伊犁將軍查照辦理。是為至要。

俄國照覆

為照覆事。准貴王大臣照會。轉據著伊犁將軍榮來文。差員辦理。收回避難兵民一切。照會前來。本大臣隨即轉咨西惠畢爾總督。及回疆古名庫國即安集延等處總督等知悉。在案。諒必照依尊意妥辦。惟該督等亦將此事情形相聞。自應轉達。以資明晰。前西惠畢爾總督聞知伊犁將軍已抵科米。經咨科米巡撫。令向會商酌量。以難民從本國起行。約於俄國十二月初旬。正值隆冬。始能會集。巴克圖地方。再由此前進。經過新疆一帶。既係荒野無人。天又

嚴冷。不免多遺意外之患。兼之該難民煖衣脫馬甚稀。不
如同該將軍商議。或將家屬暫緩起行。方足以資體恤。而
盡我國和好之遠。况已克圖地方為該眾聚集之所。素昔
種地者鮮。本處食用。尚有不敷。一旦難民四集。口糧無從
措辦。益覺窘迫難堪等情。該撫均向將軍細述。旋值回疆
總督經過。斜米亦與榮將軍面晤。緣阿勒瑪圖。即成業爾
和業。及斜米先屬數處。現在改歸回疆新設總督管轄。其
地毗連中國伊犁地方。該難民現位於此。新督聞達至此。
時在十月初旬。難民是否可令起行。意欲切實查明。先後
寄函。內稱。自斜米至阿勒瑪圖一帶。時見中國官員。隨便

給解往來均藉將軍令其購買衣糧接濟難民為詞然除從斜米運喀帕兒銀約有二十萬交本國銀庫收存外未見有復辦之事其購買衣糧實為此時急務但尚未動手遽以該市缺乏為詞似不盡然是以本督經過斜米等處見將軍及各官難民均告以現在時令太晚從此移回塔爾巴哈台等處諸多礙難儻若置有暖衣口糧以備道途所需方為妥協否則不如一俟春融行走別無他虞亦無費神勞力之處等語本大臣連字引陳使知我屬並無不救難民之意實因格外體恤而盡兩國和好之情緣貴國該處人民本自稀少加之數年離亂各災並行戶口益

鮮本國能不於其存者更意籌畫耶除分咨該督等奉令
甫至放行外相應照覆貴王大臣復行轉致伊犁將軍嚴
飭所屬各官務須籌備難民沿途所需以免缺乏而昭義
實其一路照料一切本國地方官自必踴躍從事也

恭親王等又奏再奉

派出使外洋各員浦安臣先行赴滬志剛孫家穀等亦於上年十
二月十一日由京起程各緣由均經臣等隨摺奏明在案
茲於二月十五日據志剛孫家穀咨報已於本年正月初
十日行抵上海約於二月初三日開洋屆期若無更改卽
行開駛等因並繕具奏摺請臣衙門代為呈遞同日又據

蒲安臣咨會。內稱奉到由臣衙門恭錄知照所奉

派員出使外洋

諭旨三道。並

頒給有約各國

國書。及

頒給該使臣木質關防。臣衙門給該使臣屢次咨會各等件。均經

祇領。並稱奉

派辦理中外交涉事務。深知責任甚重。必當諸事盡心。俾中國得

受切實長久之利益。現擬於二月初三日。搭坐輪船開洋。

以後凡所經之處。必將日期情形隨時咨會。凡有關繫中

國之事有所見聞亦並寄知等語前來。臣等查該使臣姓名喜功。又經志剛等加以獎誨。以鼓勇往之氣。該使臣感激之情。溢於言表。將來或可得其捐處之力。亦未可定。俟該使臣等續將行抵外國各情形咨報到日。再由臣衙門具摺奏明。

御批知道了。

新刊夷務始末卷之五十七